

Na osnovu člana 6. stav 2 Zakona o budžetima u Federaciji BiH („Službene novine Federacije BiH“, broj: 102/13, 9/14-isp. i 13/14) i člana 16. stav 4. Zakona o Vladi Zeničko-dobojskog kantona–Prečišćeni tekst („Službene novine Zeničko-dobojskog kantona“ broj 7/10), na prijedlog Ministarstva finansija, Vlada Zeničko-dobojskog kantona na 161. sjednici održanoj dana 25.04.2014. godine, d o n o s i

## ZAKLJUČAK

### I.

U cilju uravnoteženja prihoda i primitaka i rashoda i izdataka kroz Izmjene i dopune Budžeta Zeničko-dobojskog kantona za 2014. godinu, zbog smanjenja prihoda i primitaka Budžeta u periodu I-III 2014. godine za 22%, zadužuju se svi budžetski korisnici da izvrše planiranje i raspored svih rashoda po pojedinačnim vrstama troškova u okvirima svoga dijela budžeta u nivou realno projiciranih prihoda i primitaka za 2014. godinu i da izvršeni raspored sredstava dostave Ministarstvu finansija najkasnije do 15.05.2014. godine.

### II.

Svi budžetski korisnici su u skladu sa Programom mjera štednje Vlade Zeničko-dobojskog kantona za 2014. godinu, broj: 02-14-5742/14 od 19.03.2014. godine, obavezni da se maksimalno angažuju kako bi se ostvarile uštede po svim vrstama troškova u okviru svakog pojedinačnog budžetskog korisnika, a posebno po osnovu materijalnih troškova, tekućih transfera koji nemaju strogu zakonsku obavezu i kapitalnih grantova.

### III.

Obavezuju se svi budžetski korisnici da izvrše detaljnu analizu zakonskih i podzakonskih propisa Zeničko-dobojskog kantona iz svoje nadležnosti i predlože njihove hitne izmjene u cilju smanjivanja iznosa utvrđenih prava, a samim tim i izdvajanja iz Budžeta.

### IV.

Prilikom izrade prijedloga zakona, uredbi, odluka, zaključaka, pravilnika, rješenja, programa utrošaka, i sl., svi budžetski korisnici su obavezni da u navedene propise, opće, podzakonske i pojedinačne akte, dodaju poseban član, koji bi glasilo: „Sredstva planirana Budžetom Zeničko-dobojskog kantona za namjene predviđene ovim aktom, realizovat će se isključivo u skladu sa procentom ostvarenja javnih prihoda u Budžet Kantona.“

### V.

Zaključak stupa na snagu danom donošenja.

Broj: 02-\_\_\_\_\_/14.  
Datum, 25.04.2014. godine  
Zenica

**PREMIJER**

*Munib Husejnagić, dipl.ing.maš.*

DOSTAVLJENO:

1x Ministarstvo finansija-Sektor za trezor,  
1x Svim organima uprave, upravnim organizacijama i službama Kantona,  
1x a/a.